



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallela Geographiae Veteris Et Novae

Parallela Geographica Italiae Veteris Et Novae

Briet, Philippe

Parisiis, 1649

Nvm. 10. Territorium Alexandrinum.

urn:nbn:de:hbz:466:1-13120

- FLV. } Serius: *Serio*.
 Ollius: *Ooglio*, territorium Brixianum ab hoc dirimens.
 VII. } Nauilius Communis: *Nauilio della Communita*.
 Nauilius Palauicinus: *Nauilio Palauicino*.
Tabulam huius agri habes insertam agro Mantuano, Mutinensi, &c.

NVM. 10. *Territorium Alexandrinum, seu Alessandrinese, vel Alessandrese.*

VRBES AGRI ALEXANDRINI

ALEXANDRIA, cognomento à Palea: *Alessandria della Paglia*, quam sic dictam volunt quòd hic Imperatores Coronam stramineam reciperent: nugæ. Condita est an. 1178. à Mediolanensibus, Cremonensibus & Placentinis contra Fridericum, & eius socios, dictaque Cæsarea. Sed cùm obsidionem pertulisset fortiter à Friderico, Alexander III. in gratiam indigenarum ei dedit Episcopum, & de suo nomine Alexandriam dixit.

Burgolium: *Borgo*, ab vrbe prædictâ tantùm Tanaro Fl. diremptum oppidum, aut suburbium veriùs.

Buſca, & Boſcum, & Buca: *Bosio*, non ad Fl. Bormiam vt vult Leander, sed *Orba*: oppidum est non inuenustum, olim vnus ex Marchionatibus septem Alerami.

Castellutium: *Castelluzzo*, non procul à Tanari & Bormiæ confluentiis, olim Gamundium dictum, ait Leander; cuius incolæ primi omnium Alexandriam commigrarunt, tamen sine patriæ suæ damno.

Rupes Annonis: *Annone*, castrum firmissimum, vulgò dictum ab indigenis *Noni*, seu *Non*.

Fœlicinum: *Feliciano*, ad Tanarum amnem.

Bassiniana: *Basigniana*, ad Tanari in Padum confluentias. Hic Tanarus olim ponte ligneo iungebatur; ad quem receptus Cardinalis Medices, qui postea Leo X.

Valentia: *Valenza*, in monte sita.

Retortum: *Retorto*, monti quoque affixum.

Cassellæ: *Cassine*, olim Cassinum, lautum & opulentum castrum magnis operibus munitum à copiis Caroli V. Imp. quare propugnaculum fuit contra Gallos, Venetos,

HHh hh iij

& Sfortiam simul iunctos.

Spinense Castrum: *Castro della Spina*.

FLV.

TANARVS: *Tanaro*, & *Tanero*, ex nexu Apennini & Alpium egreditur de triplici riuo. In eo auri ramenta inueniuntur, ex quo se vidisse torquem ait Volaterranus.

VII.

BORMIA: *Bormia*, duplici ex fonte oritur, atque satis diu duplici alueo fluit, & ad Alexandriam Tanaro miscetur.

Orba: *Orba* mixtus Bormiæ cadit in Tanarum.

Lemus: *Lemo*, cadit in Orbam.

N V M. II. *Agex Dertonensis*, *Tortonese*.

VRBES AGRI DERTONENSIS.

DERTONA: *Tortona*, de cuius nomine vide Leandrum: pene desolata erat tempore Leandri, nunc nonnihil reffloruit; ad Scriuiam fluuium iacet.

Castellum Nouum: *Castro Nuovo Tortonese*, à Gothis conditum cum Dertonam tenerent, habebantque horreum, & rei frumentariæ magnum præsidium.

Sale: *Sale*, non inhonestum oppidum ab iisdem Gothis eodem tempore conditum in agro peramœno non procul ab ostio Scriuiæ in Padum.

Serrauallis: *Serraualle*, ad Fl. Scriuiam, sic dictum quòd claudat angustias huius tractus quasi Serâ, quare scribendum esset Serauallis. Iuxta hanc ostenduntur rudera vrbis antiquæ Iriæ.

Arquatam: *Arqua*, ad prædictum Fl. Scriuiam.

Castrum Gibellinum: *Castro Gibellino*, à Mathæo Vicecomite Mediolani conditum 1313. sic dictum in gratiam Gibellinæ factionis, vt eum locum frequentarent, & alacrius contra Papienses tutarentur. Subuersum est Padi violentiâ, sed reparatum.

Vicheria, aliter Vogheria: *Voghera*, oppidum diues & opulentum, Vermiorum patrimonium.

Ripa: *Ripa*, ad torrentem Stafforam.

Retorbium: *Retorbio*, castrum in colle situm.

Pons Curonis: *Ponte Corone*, ad Fl. Curonem, *Corone*, vbi etiamnum vestigia pontis supersunt.